



## EDITORIAL

# Napnuan regta a rambakan ti maika-50 a tawen ti Partido

**I**lagip ti Partido Komunista ti Pilipinas (PKP) ti maika-50 nga anibersaryo ti pannakaibangon daytoy iti umay a Disyembre 26. Kadagiti sumaruno a bulan, irussuat tayo ti naregta ken nalawa a kampanya tapno rambakan dagiti nagun-od a balligi ti dasig a mangmanged ken umili a Pilipino iti lima dekada a panangiyabante kadagiti rebolusyonaryo a dangadang babaen ti pannarabay ti Partido.

Aw-awagan ti Partido ti amin a rebolusyonaryo a puersa, amin a mairurumen ken magungundawayan a lumao iti panagranbak tapno ad-adda a patibkeren ti pangngeddeng a napnuan regta nga iyabante ti demokratiko a rebolusyon ti umili.

Talantanen tayo ti napalabas a 50 tawen ti rebolusyonaryo a dangadang, manipud iti panagrusing agingga iti panagabante, dagiti panagatras ken panagabante manen, ken kadagiti balligi, pannakapaay ken daddadakkel a balligi. Suroten tayo ti pakasaritaan ti rebolusyonaryo a dangadang para iti nailian ken panggimong a waya-way. Umadaw tayo kadagiti adal ken inspirasyon kadagiti sakripisyo dagiti

martir ken bannuar ken dagiti immuna a henerasyon dagiti proletaryo a rebolusyonaryo.

Ipabuya tayo dagiti balligi iti napalabas a 50 tawen ti rebolusyonaryo a dangadang. Dadakkel a balligi ti nagun-od ti umili a Pilipino iti panangiyabante ti aramado ken nadumaduma a porma ti pannakidangadang.

Iti panangidaulo ti Partido, agtultuloy a pimmigsa ti Bagong Hukbong Bayan (BHB) ken natibker a nangiyabante ti naunday a gubat ti umili. Agtultuloy nga agur-urnong ti pigsa ti BHB iti armado a dangadang.

*"Napnuan regta...," kitaen iti panid 2*

## Reyd ti BHB idia Northern Samar, balligi

NABALLIGI TI REYD nga inrussuat dagiti Nalabbaga a mannakigubat ti Bagong Hukbong Bayan (BHB) laban iti Philippine National Police (PNP) Municipal Station idia ili ti Lapinig idia Northern Samar idi Agosto 10, ala-1:44 ti parbangon. Iti inisyal a pakammo, nakasamsam ti saan a bumaba iti siyam nga armas ken dadduma pay a ramit dagiti Nalabbaga a mannakigubat. Dua a pulis ti naipakaammo a nasugatan. Gapu ditoy, sinuspinde ti PNP dagiti nangangato nga opisyal iti probinsya, maibilang ti hepe dagiti pulis ti Lapinig.

Kabayatan na, lima a nagsasaruno nga operasyon a haras ti insayangkat ti BHB North Central Mindanao Region. Idia Misamis Oriental, hinaras ti BHB-

*"Reyd...," kitaen iti panid 3*

"Napnuan regta..." maniid iti panid 1

Kakuyog ti masa a mannalon, iyab-abante daytoy iti intero a pagilian ti rebolusyon agraryo ken bukbulan ti organisado a pigsang ti masa ken dagiti organo ti bileg politikal. Iti sibubukel a Pilipinas, maibang-bangon ti demokratiko a gobyerno ti umili manipud baryo nga agpanngato.

Bukbulan ti Partido ti nalawa a panagkakaysa ti umili a Pilipino. Idadauloan daytoy ti National Democratic Front, ti kalawaan a konsolidado a paset ti nagkakaysa a prente. Patpatignayen na ti demokratiko ken dagiti patriyotiko a sektor a lumaok iti armado a dangadang. Daytoy ti adda iti bugas ti nalawa a nagkakaysa a prente nga anti-pasista. Iti namindua a gundaway, 1986 ken 2001, ti Partido ket adda iti sango ti nalawa a panagalsa ti umili a kakuyog ti dadduma pay a puersa, ket nangrippuog iti nakatugaw a reaksyonaryo a rehimen.

Ti Partido ket nalawa ken nanguneg a nakaramut iti masa a mangmangged, mannalon ken dadduma pay a demokratiko a dasig ken sektor iti intero a pagilian. Daytoy ti adda iti dadaulo ti buyot ti umili,

dagiti organisado a masa, ti nagkakaysa a prente ken dagiti organo ti bileg politikal. Insayangkat ti Partido ti Maikadua a Kongreso na idi 2016 a nangpatibker iti Konstitusyon ken Programa nga ad-adda a pinabaknang ti agarup lima a dekada ti rebolusyonaryo a kapadasan ken dagiti balligi. Maus-usaren dagitoy a dokumento tapno agrekrut kadagiti baro a kameng ti Partido.

Dagitoy a balligi ket pagbasaran tapno iturong ti nailian-demokratiko a rebolusyon iti nangatngato a tukad kadagiti sumaruno a panawen. Naregget ti panagayat ti umili a Pilipino nga iyabante ti rebolusyon iti sango ti bumbumtak a rinuker a sistema a malakolonyal ken malapyudal. Kumarkaro ti nakailumloman na nga agnanayon a krisis. Ti nakaro a pasista a panagturay ti rehimen nga US-Duterte ken dagiti kagurgura unay a reaksyonaryo a pakasyon ket kasilpo ti ad-adda a panagkaro ti krisis ti agar-ari a sistema.

Iti kasta, rumbeng a napingpinget nga iyabante dagiti naindasi-gan ken demokratiko a dangadang ti masa a mangmangged, mannalon

ken dadduma pay a mairurumen ken magungundawayan a dasig ken sektor. Ad-adda pay a palawaen ken papigsang ti nagkakaysa a prente laban iti pasista ken papet a rehimen a Duterte. Ingato ken palawaen ti pannakaawat ti umili a Pilipino ken isilpo ti inaldaw-aldaw a dangadang iti kabuklan a nailian demokratiko a tignayan.

Isayangkat dagiti naaweng a taktikal nga opensiba kagiddan ti pananglagip iti maika-50 tawen nga anibersaryo ti Partido. Biraen dagiti kriminal a pasista a yunit ken opisyal ti rehimen nga US-Duterte. Naan-anay a paayen ti desperado a panggep ni Duterte a parmeken ti armado a rebolusyon. Ipakita ti armado a dangadang kas kangrunaan a porma ti dangadang ken ingato ti palaban a kapanunotan ti umili ken ti panag-namnana da iti rebolusyonaryo a pannakidangadang.

Ti agtultuloy a panagabante ti rebolusyon a Pilipino iti amin a tay-ak ti pammaneknek a husto ti panangipakat ti Partido ti unibersal a teorya ti Marxismo-Leninismo-Maoismo iti kongkreto a kasasaad ti Pilipinas ken ti naan-anay a panaglapan ti rebisyonismo ken dadduma pay a langa ti suhetibismo ken oportunismo. Ti teorya ken praktika ti rebolusyon a Pilipino ket awanan sarday a dumurduras.

Ti panangrambak iti maika-50 nga anibersaryo ti Partido kadagiti sumaruno a bulan ket nabalitokan a gundaway tapno usaren ti Marxismo-Leninismo-Maoismo tapno gupgopen ti kapadasan iti amin tukad ken tay-ak ti panagrebolusyon. Subliyan nga adalen ti Umuna ken Maikadua a Naindaklan a Tignayan ti Panagilinteg ken usaren a tarabay dagiti adal ken prinsipyo tapno rimbawan dagiti nagkapuyan ken ikkaten dagiti lapped iti panagabante ti rebolusyon.

Okasyon met daytoy tapno naan-anay a paunegen ti pannakaawat iti kumarkaro a malakolonyal ken malapyudal a kasasaad ti Pilipinas iti sango ti kumarkaro a krisis, pumapaut a depresyon ken dagiti tumadtadem a kontradiksyon ti sangalubongan a kapitalista a sistema. Ilanad ti agtultuloy a panagari ken pannakibiangan ti

|   |  |
|---|--|
|  <p>Tawen XLIX Blg. 16   Agosto 21, 2018</p> <p>Ti <i>Ang Bayan</i> ket maipabpablaak iti Pilipino, Bisaya, Iloko, Hiligaynon, Waray ken Ingles. Umawat ti <i>Ang Bayan</i> kadagiti kontribusyon iti porma dagiti artikulo ken damdamag. Awisen mi dagiti agbasbasa nga agipatulod kadagiti dillaw ken rekomendasyon para idudur-as ti dyaryo tayo.</p> <p> <a href="https://www.instagram.com/sine.proletaryo">instagram.com/sine.proletaryo</a></p> <p> <a href="https://twitter.com/prwc_info">@prwc_info</a></p> <p> <a href="https://www.facebook.com/groups/cppinformationbureau">fb.com/groups/cppinformationbureau</a></p> <p> <a href="mailto:cppinformationbureau@gmail.com">cppinformationbureau@gmail.com</a></p> | <h2 style="text-decoration: underline;">Linaon</h2> <p><b>Editorial:</b> Napnuan regta a rambakan ti maika-50 a tawen ti Partido 1</p> <p>Reyd ti BHB idiyay Northern Samar 1</p> <p>Ti panangtenneb ti Partido iti Karlo 3</p> <p>Dagiti martir ti Panay, napadayawan 5</p> <p>Dagiti mannalon, napapatay ti AFP 6</p> <p>Dagiti detatsment, maitaktakder 7</p> <p>Taripnong dagiti katutubo idiyay Ilocos 8</p> <p>Protesta laban iti <i>crackdown</i> 8</p> |
| <p>Ti <i>Ang Bayan</i> ket ipabpablaak dua a beses tunggal bulan ti Komite Sentral ti Partido Komunista ng Pilipinas</p>  |  |

imperialismo nga US iti ekonomya, pulitika, militar ken kultura ti Pilipinas ken panangkontrol na iti neokolonyal nga estado.

Ibutaktak dagiti kumarkaro a langa ti pananggundaway, panangidadanes ken panangparparigat dagiti agar-ari a dasig iti masa. Usaren dagitoy a basaran tapno ad-adda a padurasen dagiti taktika ti panagpa-kaawat, panagorganisa ken panagpatignay iti nalawa a masa. Patauden ti nalawa a tignayan para iti panagsukisok ti gimong tapno ibutaktak ti aktwal a kasasaad ti ekonomya iti kabuklan ken sitwasyon ti masa. Kariten ken patignayen dagiti intelektwal a pisangen ti ilusyon ti "panagdur-as" ken ammuen ti kongkreto a kasasaad ti masa a Pilipino.

Kadagiti sumaruno a bulan a pananglagip iti maika-50 nga anibersaryo ti Partido, bigbigen ken ipakaammo dagiti bannuar ken martir ti rebolusyon a Pilipino. Pagbalinen ida kas inspirasyon ken pagwadan iti awananpanangipaidam a panagserbi iti masa ken komunista a kinatured ken optimismo.

Patignayen ti dakkal a bilang dagiti mannaniw, pintor, dibuhista, kompositor, kumakanta, ken dadduma pay nga artista tapno mangiruar ti kaaduan a posible a bilang ti rebolusyonaryo a putar nga arte. Palataken kadagitoy ti 50 tawen a kinabannuar ti umili a Pilipino nga awan sarday ti rebolusyonaryo a pannakilaban da iti imperialismo, pyudalismo ken burukrata kapitalismo. Itandudo ti arte a para iti pagilian ken ipabuya kadagiti kalsada ken kadagiti komunidad, iti internet ken teatro.

Ideklara iti sangalubongan ti panangrampak iti maika-50 tawen nga anibersaryo ti Partido. Iwaras ti nabalitokan a silaw ti rebolusyon a Pilipino iti sangalubongan. Mangted nayon a lawag iti dalan nga agturong iti panagdalluyon manen dagiti demokratiko ken sosyalista a rebolusyon ti dasig a mangmangged ken masa nga anakling-et iti sangalubongan. AB

# Ti Panangtenneb ti Partido iti Karlo



*Kas kontribusyon iti pananglagip iti umadani a maika-50 nga anibersaryo ti Partido, rinugian ti Ang Bayan (AB) iti daytoy nga isyu ti serye dagiti artikulo maipanggep kadagiti nalatak a kapadasan iti panagbukel kadagiti sangay ti Partido iti nadumaduma a larangan ti rebolusyonaryo a trabaho. Iyaw-awis ti istap ti AB kadagiti amin a mangted ti kontribusyon iti daytoy a serye babaen ti panangisubmitar kadagiti nalatak nga istorya.*



**D**uapulo ket siyam a Nalabbaga a kumander ken mannakigubat ti nagleppas ti Intermedya a Kurso ti Partido (IKP) kadaytoy maudi a lawas ti Agosto. Maibilang da iti Karlo, maysa kadagiti kumpanya ti Bagong Hukbong Bayan (BHB) nga agtigtignay iti kabambantayan ti Mindanao.

Segun kenni ka Rara, ti kalihim ti sangay ti Partido iti uneg ti Karlo, paset ti panagkonsolida ken panangpatibker ti sangay ti Partido iti uneg ti kumpanya ti naisayangkat nga IKP kadagiti puersa. Iti uneg ti linteg militar ti rehimen Duterte, immirteng ti atake ti Armed Forces of the Philippines (AFP) kadagiti baryo ken komunidad a tigtignayan ti Karlo.

Iti baet dagiti labanan a maysaysayangkat tapno salakniban dagiti baryo ken panagisayangkat kadagiti taktikal nga opensiba, kasapulan dagiti kastoy a tipo ti panagadal tapno lagipen ken ipangato pay ti pampulitika a kaammuan dagiti kakadua.

Dagiti pormal nga innadal kas ti IKP ket paset ti nasedsed a programa ti sangay iti Karlo. Kadagiti

*"Karlo...", kitaen iti panid 4*

*"Reyd...", manitud iti panid 1*

Misamis Oriental ti agop-operasyon a yunit ti 58th IB idiy Pulo, Bantaawan idi Agosto 9. Maysa ti natay kadagiti soldado.

Idiy Bukidnon, Agosto 8, alas-12 ti aldaw, pinaputokan ti BHB ti agop-operasyon a yunit ti 1st Special Forces Battalion idiy Barangay Bontongon, Impasug-ong. Dua ti nasugatan kadagiti soldado.

Iti sumaruno nga aldaw, hinaras ti BHB ti howitzer crew idiy

Barangay Bolunay iti pareho nga ili. Maysa ti natay kadagiti soldado.

Idiy Manolo Fortich iti pareho a probinsya, pinaltogan ti BHB ti ditatsment ti CAFGU idiy Guilang-guilang idi Agosto 12, alas 9:20 ti rabii.

Idi Agosto 17, alas-10:36 ti rabii, pinaputokan ti BHB ti command post ti 2nd Special Forces Company idiy Dalwangan, Malaybalay City. AB

umay a bulan, panggep da Ka Rara a mapaadu pay ti bilang ti kameng ti Kumpanya ken ingato ti kabaelan daytoy iti panagisayangkat dagiti taktikal nga opensiba.

Tapno magun-od daytoy, kasapul-an nga inaldaw ti panagbukel iti Partido tapno agserbi kas direktor iti uneg ti hukbong bayan. Ammo da Ka Rara a ti panangpapigsa ti Partido iti uneg ti Karlo ti tulbek tapno ingato ti kabaelan ken de-terminasyon ti BHB a baklayen da-giti nadagsen a rebbengen iti pan-nakigubat.

Nakabasar ti inaldaw a plano ti sangay iti nabukel a komprehensi-bo a plano para iti innem a bulan, ken nabingay iti binulan dagiti taktikal a plano. Iyun-una ti komiteng tagapagpaganap (KT) ti sangay ti panagbukel iti daytoy a plano. Matasa dagiti trabaho ti sangay iti Karlo iti ideolohiya, pu-litika ken organisasyon, ken man-gioplastar ti baro a plano. "Kaa-tiddogan ti oras ti it-ited mi iti to-piko ti politika," panangibingay ni Ka Rara. "Manipud trabaho mili-tar, trabaho a masa, produksyon, medikal, aginggana iti panangay-wan iti aglawlaw." Nayon pay, na-regta met ti trabaho iti ideolohiya. Segun pay kenni Ka Rara, malaksid kadagiti pormal nga innadal, kay-kayat dagiti kakadua dagiti nai-pablaak a mabasbasa iti Nailian Demokratiko a Pagadalan ken ka-padasan idiy Vietnam.

Amin a napapateg a responsibi-lidad iti kumpanya ti Karlo ket pet-pet dagiti kameng ti KT. Isuda da-giti kaabantean nga elemento ti Partido ken maibilang a modelo ti disiplin-a ken panangipatungpal ti programa ti Partido. Iti Karlo, na-surok 15 ti adda iti KT ken naka-pauneg kadagiti platun ken iskwad ken agserserbi kas dagiti Nalabba-ga a kumander, opisyal iti politika, lohistika, medikal, paniktik ken dadduma pay. "Mangirekomenda kami pay ti nasasayaat a kadua tapno ipauneg iti KT," panangilaw-lawag ni Ka Rara, "tapno umanay ti bilang dagiti kadre a mangtaming kadagiti trabaho ken iti masa a ka-meng ti Partido."

Iti uneg ti BHB, mabukel ti sa-ngay ti Partido iti uneg dagiti kum-panya. Iti Karlo, napasas a mai-patpatungapl dagiti plano ti sangay

“Hindi mabubuo ang demokratikong gubyerno ng bayan kung walang hukbong bayan na ang pangunahin at pinakaesensyal na tungkulin ay ipagtanggol at patatagin ito.

**Una sa lahat, ang demokratikong gubyerno ng bayan ay hindi maitatag kung hindi matagumpay na susulong ang hukbong bayan.”**

*Programa para sa Demokratikong Rebolusyong Bayan, 2016*



gapu ta galad daytoy ti nganngani inaldaw nga agkukuyog dagiti pla-tun. Agrugi ken agleppas dagiti al-daw nga aktibo nga agipatungpal ti babassit ken dadakkel a rebbengen dagiti kameng ti Partido kas Na-labbaga a kumander ken mannaki-gubat. Iti panagriing iti parba-ngon, ibingayen dagiti giya a pam-pulitika ti mensahe nga ited iti tunggal elemento. "Mabalin a da-giti rebolusyonaryo a kopya wenna no dadduma met ket dagiti pang-militar a mensahe, kaspangarigan ti panagpamilyarisa iti alpabeto ti militar."

Sumaruno ditoy, agsagana met ti topiko a talantanen dagiti iskwad bayat nga agkonsulta ti yu-nit ti koman, ti militar a dadaulo ti yunit. Iti panagsubli dagiti kuman-der para iti inaldaw a *briefing*, maibilang kadagiti matungtong ti kangrunaan a trabaho basar iti ikeddeng ti aldaw. "Rugian min da-giti resolusyon a maikeddeng ti al-daw iti tunggal napateg a traba-ho," kuna ni Ka Rara. Kas pangari-gan ditoy, iti tunggal Lunes ket is-kyedul ti literasiya-numerasiya, ti tunggal Sabado ket iskyedul para iti trabaho militar ken dadduma pay. "Iti kasdiy nga panagiskedyul nga italatan mi ti linawas a trabaho, awan ti malaktawan," nayon na pay.

Nu dumanon ti malem, agkon-sulta ti seksyon ti politika tapno tasaen ti tinaray dagiti trabaho. Ti panagtasa ket manipud iti immuna ken dagiti regular a panagtasa da-giti grupo ti Partido iti iskwad ken platun.

Tunggal grupo ti Partido iti iskwad ket linawas nga agtasa, ken tunggal dua a lawas met ti grupo ti Partido iti platun. Kalpa-san ti maikadua a panagtasa ti

grupo ti Partido kadagiti platun, guggopen daytoy ti sangay iti Karlo iti tunggal bulan. Ditoy a nakabasar ti panangpadur-as ti programa.

Gapu ta kangrunaan a yunit panglaban, seguridaden ti sangay iti Karlo a *kanunay* wenna nangato a kanayon ti pakinakem ken ka-baelan a lumaban ti tunggal opi-syal ken mannakigubat. Kasano a seguridaden daytoy? "Basar iti plano ti sangay, rebbengen ti yunit ti koman ti panangited kadagiti panagsanay iti pulitiko-militar, wenna dagiti *crash course* sakbay dagiti pormal a pagsasanay," kuna ni Ka Rara.

Nayon pay, mangilatang ti ko-man ti saan a bumaba iti 30 mi-nuto tunggal aldaw para iti ehe-rsisyo militar. Tunggal dua nga al-daw ket kumustaen dagiti tim tapno tasaen ti palaban a pakina-kem ti tunggal mannakigubat. Tunggal tallo nga aldaw met ket adda iti panagdillaw ken bukod a panagdillaw iti bagi.

Mainayon pay iti panangtenneb iti Karlo ti nairut a panangsubay-bay iti kakadua no epektibo a mai-patpatungpal dagiti naited a tra-baho da. Ti aramiden da Ka Rara, "nu makita ti sangay a kasla saan nga interesado ti kadua iti naited a rebbengen, dagus mi nga ikkan ti baro a trabaho. Am-ammuen no ania ti kayat na nga ipatungpal, ken idiy nga ibuelo isuna." Awisen dagiti opisyal iti Partido nga ilukat ti kapanunotan ti kadua tapno iti kasta, "no agtrabaho, awanen ti problema."

Nairut met ti panangtenneb kadagiti adda potensyal na. Pang-ngarig ni Ka Rara, uray adda ti naikeddeng nga iskwad lider, pan-samantala nga isublat dagiti san-

sanayen a sumaruno a kumander. "Relyebo dagiti tao tapno makabuelo."

"Kaaduan ket kamengen ti Partido," kuna ni Ka Rara. "Ti nabalti a sumagmamano a man-nakigubat, sakbay pay a narek-ruta, ket palaoken min kadagiti trabaho nu sadino a nakita ti potensyal da. Dagus da a maikkan ti rebbengen kalpasan a nagkameng iti Partido." Masansan, tunggal kameng ti Partido kadagiti iskwad ket addaan ti igeman a *tahas*, wenno rebbengen, kas ti panagbalin nga opisyal iti suplay, medik, tim lider ken daduma pay. Iti uneg ti innem a bulan aginggana makatawen, napasas a mapataud ti sangay ti baro a kameng ti Partido a mangiggem dagiti responsibilidad ken mangipatungpal ti programa ti sangay.

Naimatangan ni Ka Rara ti napalabas nga uppap a tawen ti Karlo. Idi naipauneg isuna iti kumpanya, adda pay laeng daytoy iti panawen ti panagbawi manipud kadagiti pannakapaay. Manipud iti maysa a platun, nanayunan da ken nakapagpasampa aginggana a dimmakel. Iti panaglabas ti tawen, makuna nga ubbing ti komposisyon ti sangay iti Karlo. Ti kataengan a kameng ket 36 pay laeng ti tawen na. Ngem agtalek ni Ka Rara kadagiti nadanon ti kumpanya. Agtalek isuna a kabaelan a sangoen dagiti kakadua dagiti sakripisyo. Maysa a pribilehiyo para iti sangay nga iti agdaman, makaadal ken makasanayen, gapu ta iti panagdakel ti Karlo, kasilpo daytoy ti nadagdagsen a responsibilidad.

Nu ania a tipo ti komite ti tannawagan na, napateg ti nabaga ni Ka Rara: "Himsog na kinabuhi iti Partido. Nakaradkad na biag ti Partido iti uneg ti Karlo, tapno makita no ania pay ti kasapulan tapno makita dagiti panggep a gun-oden. Kas pampulitika a direktor ti kumpanya, rumbeng nga isuna ket katibkeran, katademan iti panangitudo kadagiti problema tapno nata-dem na met a maikkan ti solusyon. No saan a nakaradkad ti Partido, awan amin." AB

## Dagiti martir ti PKP-Panay, napadayawan

**P**inadayawan ti National Democratic Front (NDF)-Panay ken ti sibubukel a rebolusyonaryo a tignayan ti pito a kameng ti komite iti propaganda ken edukasyon ti Partido Komunista ti Pilipinas (PKP) idia y isla ti Panay.

Ti pito a kakadua ket brutal a minasaker ti nagtipon a puersa ti militar ken polis idi Agosto 15, tengnga't rabii, idia y Barangay Atabay, San Jose, Antique.

Isuda Felix Salditos (Ka Dudi), Eldie Labinghisa (Ka Ipoy) Peter Mecinas (Ka Elton), Karen Ceralvo (Ka Liway), Liezel Bandiola (Ka Mayang), Jason Talibo (Ka Bebe) ken Jason Sanchez ket maibilang a kasasayaatan nga annak ti pagilian. Indaton da dagiti nabunga ken produktibo a tawen a panagserbi iti umili ken panangiyabante ti rebolusyonaryo a panagtignay idia y Panay.

Ti uppap iti pito a martir ket dagiti kadre iti propaganda ken kultura. Nagserbi iti rebolusyon ni Salditos iti uneg ti 40 tawen kas mannaniw, dibuhista ken pintor. Mabigbig iti nagan iti panagsurat a Mayamor, ken kadaytoy nabii ket kas Maya Daniel iti *social media*. Nagakem kas editor ti pangmasa a pagiwarnak ti Panay, ti *Dabadaba*, ken dibuhista ti komiks daytoy a Caduy. Us-usaren ti sibubukel a rebolusyonaryo a tignayan ti putar na kadagiti panagadal ken propaganda. Kangrunaan a kontributor ti Ulos ken ti PRWC.

Ni Labihisa ket maysa met a biswal nga artista ken mannaniw bayat a da Bandiola ken Ceralvo ket sagpaminsan nga agsurat ti daniw bayat nga agak-akem kas instruktur kadagiti pormal a panagadal ti Partido iti rehiyon.

Iti maysa a mensahe idi Agosto 15, nainget a kinodenar ni Ka Concha Araneta, tapagsarita ti NDF-Panay, ti brutal a panagmasaker ti nagtipon a puersa ti 301st Ibde, 61st IB ken polis iti pito a kakadua.

Rinaut ti nasurok sangagasut nga armado a tao ti estado ti pagnanaedan da a balay ken pinatay bayat a matmaturog da. Adda da idi idia y Barangay Atabay dagiti kakadua tapno agisayangkat ti pa-

nagsukisok ken imbestigasyon iti kasasaad ti umili ti Antique, ti karigatan a probinsya ti Panay.

Pinaneknekan ni Ka Concha a saan a pudno ti pinartuat a kinaulbod ti AFP ken PNP tapno kaluban ti krimen da. Masaker, saan a labanan, ti napasamak. Saan nga armado ken saan a mabalin a maibilang a kombatan ti pito. Segun kenni Ka Concha, saan a pudno nga immuna a pimmutok dagiti kakadua. Ti laeng nagpaputok ket dagiti mersenaryo a tropa, a nagsardeng laeng iti awan sarday a panagpaputok idi masegurado da a natay aminen dagiti adda iti uneg ti balay.

Dakel a kinaulbod met ti inpakita da nga armas nga inusar kano dagiti kakadua tapno lumaban. Nakalawlawag a naimula dagiti ebidensya nga ibagbaga ti polis a granada, .38 kalibre a pistola ken maysa a M203 a granada (awan an riple) ken awan ti mamati uray iti midya iti kinaulbod a limmaban dagiti kakadua iti uneg ti 30 minuto nga usar dagitoy. Nagpalusot pay ti PNP a mangiyeg da laeng iti mandamyento de aresto para iti dua kadagiti napapatay.

Kuna ni Ka Concha, narigat nga awaten nga iti apagdarikmat, napukawan ti rebolusyonaryo a tignayan kadagiti kakadua a napuan abilidad, talento, sirib ken kina-regta. "Inikkan-biag da, kasta met ti musika, regta ken biag ti rebolusyonaryo a propaganda ken kultura para iti maidadanes nga umili, para iti pudno a wayawaya, hustisya ken kappia," kuna ni Ka Concha.

"Saan nga aggibos kadagiti lua ti panagladingit tayo," kuna ni Ka Concha. "Kaykayat dagiti rebolusyonaryo a martir nga itransporma ti ladingit tayo iti kinatured ken itag-ay dagiti gemgem ken napigsa nga ipukkaw nga iyabante ti rebolusyon!" nayon na pay. AB

# Dagiti mannalon, napapatay kadagiti operasyon a kombat ti AFP

**D**ua a mannalon ti patay ken maysa ti sugatan iti awanan bain a pangpaltog dagiti elemento ti 23rd IB ken CAFGU iti pagin-inanaan da a kalapaw idi Agosto 5, alas-5 ti bigat. Idiay Purok 4, Barangay Oro, Esperanza idiay Agusan del Sur. Napapatay da Juan Precioso ken Kent Montilla ken nasugatan ni Robert Tambilisan bayat a nakalasad iti pammaltog da Joseph Tambilisan ken Tata Merano. Ti lima ket marigrigat a mannalon nga adda iti lugar tapno agdalus ti pagmulaan da.

Iti daydiay nga aldaw, nasapa a simmalog iti kalapaw da Precioso ken Joseph Tambilisan tapno agsagana iti maikatlo nga aldaw ti panagdalos. Saan da pay a nakadayo iti kalapaw idi bigla a napaputokan da. Dagus a natay ni Precioso bayat a nakataray ni Tambilisan. Ni Kent Montilla, nga adda iti uneg ti balay, ket napuntaan iti ulo na bayat a lislisian na dagiti putok.

Nabigbig dagiti nakabasol nga elemento ti CAFGU, kakuyog ti dua a soldado ti 23rd IB a nakabase kadagiti detatsment ti CAFGU-CAA kadagiti barangay ti Tandang Sora ken Guadalupe, idiay Esperanza. Tapno kaluban ti krimen da, indeklara ti AFP a kameng ti BHB dagiti mannalon, a nakipinnaltog kaniada. Pinaneknekan dagitoy dagiti residente ti Barangay Oro ken kakabagyan dagiti biktima a saan a kameng dagitoy ti BHB.

Idiay Bukidnon, maysa a mannalon ti napapatay ken maysa ti nasugatan idi paltogan ida dagiti elemento ti 403rd Ibde idiay Sityo Camaca, Barangay Bontongon, Impasug-ong idi Agosto 8, iti alas-9 ti bigat. Natay ni Anyong Minio ken nasugatan ti kabsat na, agpada a residente ti nasao a barangay. Agisaysayangkat idi ti "nakapokus" nga operasyon a kombat dagiti soldado laban kano kadagiti yunit ti BHB iti lugar. Kas iti dadduma a pasamak, pagparangen dagiti AFP a Nalabbaga a mannakigubat dagiti napapatay a sibilyan.

Iti sumaruno nga aldaw, tallo a daras a binomba ken inistraping dagiti helikopter ti AFP dagiti taltalon iti ngato ti baryo. Nangted daytoy ti buteng kadagiti residente ken nangiduron iti saan a buma-

ba iti 40 nga indibidwal a nagbakwit a nagturong idiay sentro ti Impasug-ong. Naparitan met dagiti residente kadagiti kabangibang a baryo a rummuar kadagiti komunidad da tapno gumatang ti makan wenno mapan kadagiti talon da.

Idiay Masbate, tuloy-tuloy ti panangisaknap ti militar ti buteng idiay Barangay Talisay, San Fernando. Idi Agosto 11, iligal a sinnerrek ken rinikisa dagiti soldado manipud iti 2nd IB ken 19th MICO ti saan a nababbaba ngem siyam a balay dagiti sibilyan. Innala dagiti soldado dagiti personal a gamit dagiti residente, maibilang ti kuarta, selpon, telebisyon ken uray bangbanglo. Malaksid iti panagtakaw ket natungpa ken nabugbog met dagiti biktima a da Sally Bona, Ramon Bartolay ken agassawa a da Paeng ken Jeneve Bartolay. Ti pasamak ket maikatlo nga insidente ti panagabusog ken panagtakaw dagiti soldado iti lugar.

Idiay Mountain Province, tuloy-tuloy a kinampoan dagiti elemento ti 81st IB ti Sityo Dandanac, Barangay Tamboan, Besao kalpasan nga inambus ti BHB-Mountain Province ti tropa da idi Hulyo 14-15. Pinagbalin dagiti soldado a base ti sumagmamano a balay dagiti residente, maibilang dagiti balay da Carol Bagyan, mangsalalaknib ti karbengan-tao ken kameng ti Cordillera People's Alliance, ken Rhoda Dalang, dadaulo ti Center for Development Programs in the Cordillera. Inobligada dagiti soldado a mangala ti "safe conduct pass" wenno kanayon nga agpakada dagiti residente tapno makaruar da ti baryo ken nakontrol ti tignay dagitoy. Gapu ditoy, apektado ti panagtrabaho ti

bumaryo iti talon da. Nagresulta daytoy iti pannakatantan ti panagapit, ken uray ti sumaruno a panagmula.

Idiay Davao Oriental, puersado a pinabakwit ti 67th IB ti 200 a lumad ken mannalon idiay Barangay Tomoaong, Tarragona kalpasan ti serye dagiti taktikal nga opensiba nga insayangkat ti BHB iti lugar idi hulyo 27. Nagipakat met blokeyo iti makan dagiti soldado tapno lappedan a makagatang ti makan dagiti mannalon.

## Panagarestar ken pananglipit

Idiay Sorsogon, iligal nga inarestar ti 31st IB ni Amadeo Grayda, maysa a sibilyan, ken pinagparang da nga aktibo a kameng ti BHB-Sorsogon idi Agosto. Ni Grayda, residente ti Barangay Catanusan, Juban ket idi pay 2009 a nagikkat iti BHB. Segun iti BHB-Sorsogon, ti iligal a panagarestar kadagiti sibilyan kas kenni Grayda ket paset ti panagkamakam ti militar iti target da a buraken ti BHB iti intero a pagilian iti uneg ti makatawen. Pakakitaan daytoy ti desperasyon da.

Idi Agosto 11, iligal nga inarestar ken kinasoan ti parbo a kaso ti agasawa a Rowena ken Oliver Rosales, dati nga organisador ti COURAGE. Narestar da bayat nga agbibiyaha idiay Barangay Wawa, Balagtas, Bulacan. Idi 2015, inikkan ti Korte Suprema ti agassawa ti *writ of amparo* (proteksyon laban iti panangtiktik ken pananglipit manipud iti AFP), maibilang dagiti dadduma pay a kameng ti COURAGE.

Idi tengnga ti rabii ti Agosto 8, linappedan ti Bureau of Immigration ken saan a pianastrek iti pagilian ni Prof. Gill Boeringer, maysa a propesor nga Australian, iti rason nga umatendar isuna kadagiti rali laban iti APEC idi 2015. Pilit a napasubli idiay Australia idi Agosto 14, kalpasan ti maysa a lawas a panagtalinaed iti uneg ti airport. Kameng ti International League of Peoples' Struggle (ILPS) ni Prof Boeringer ken aktibo a su-

mupsuporta kadagiti dangadang ti masa nga anak ling-et iti nadumaduma a paset ti lubong. Maysa isuna iti listaan dagiti kameng ti ILPS, a gangannaet ken Pilipino, a maparitan a sumrek iti pagilian. Direkta a panaglalsing daytoy iti karbengan dagiti indibidwal ken umili a makilaok iti aniaman a panagtignay tapno iyabante dagiti basaran a karbengan-*tao* ken pundamental a wayawayaya.

### Kontra-opensiba iti ligal

Balligi a naipabasura dagiti abugado ti uppat nga aktibista ti pannakaibilang da iti listaan dagiti "terorista" nga inruar ti rehimen a Duterte idi Nobyembre 2017. Piniirmaan ti Manila Regional Trial Court idi Hulyo 27 ti maysa a resolusyon a mangibagbaga a saan a mabalin a pabasolen da dati a Bayan Muna Rep. Satur Ocampo ti Bayan Muna, Rafael Baylosis, Victoria Lucia Tauli-Corpus ken Jose Melencio Molintas iti kaso ti panangideklara a "terorista nga organisasyon" ti Partido Komunista ti Pilipinas ken BHB. Daytoy ket gaputa ti nasao a deklarasyon ket para iti organisasyon, asosasyon wenno grupo dagiti indibidwal. Dagiti uppat ket maibilang iti 600 nga indibidwal nga indeklara ti Department of Justice kas terorista iti kaso a naisampa idi Pebrero.

Idi Agosto 8, inbasura met ti korte idia y Nueva Ecija ti parbo a kaso a pammapatay laban iti uppat a dati a kongresista ti Makabayan block. Inpakansela met daytoy daytoy ti mandamyento de aresto laban kada Satur Ocampo, Teddy Casino, Liza Maza ken Rafael Mariano. Daytoy ket kalpasan ti panangidiaya ti P2 milyon a gunguna dagiti alipures ti rehimen a Duterte tapno itudo ti ayan ti uppat sakbay ti aldaw ti pannagdengngeg ti kaso.

Segun iti Karapatan, dimmanon iti 700 dagiti ilegal a panagarestar ti rehimen nga US-Duterte. Adda iti 129 dagiti aktibista ken mangsalsalaknib ti karbengan-*tao* ti ilegal a naarestar ken nakasuan manipud naitakder ti Inter-Agency Committee on Legal Action (IACLA) idi Oktubre 2017. Ti IACLA ket ahensya a bukuklen dagiti opisyal ti militar ken polis. **AB**

## Dagiti detatsment ti AFP, maitaktakder idia y NEMR

Iti uneg ti rehimen a US-Duterte, lalo a pinaadu ti Armed Forces of the Philippines (AFP) dagiti maitaktakder a detatsment ti militar idia y Mindanao. Partikular iti rehiyon ti Northeast Mindanao, saan a nababbaba iti 100 dagiti detatsment ti AFP ken CAFGU. Sumagmamano kadagitoy ket mano a dekadang a nakatakder, kas idia y Padiay, Sibagat idia y Agusan del Sur; Bolhoon, San Miguel idia y Surigao del Sur; Puting Bato, Cabadbaran idia y Agusan del Norte; ken Marga, Tubod idia y Surigao Del Norte. Iti agdama, napasas a manaynayonan dagitoy.

Paset ti Oplan Kapayapaan ken linteg militar ti panangipakat kadagiti detatsment iti uneg ken aglawlaw dagiti komunidad. Maus-*usar* dagitoy iti panangsi-put, panangbutbuteng ken pananglipit kadagiti sibilyan kadagiti agiinnasideg a baryo ken mangburibor kadagiti komunidad.

Dagitoy a detatsment ket agserserbi a gwardiya dagiti imperyalista a negosyo ken kadagiti lugar a panggep da a sakupen. Instrumento dagitoy tapno salakniban dagiti daga ken sanikua dagiti gangannaet a korporasyon, kas met laeng kadagiti lokal nga apo't daga bayat a parmenken da dagiti karbengan ken pagbiagan dagiti nalawa a masa a mannalon ken katutubo iti kaaw-awayan.

Iti atiddog a panawen, nagserserbi dagitoy kas sentro dagiti anti-sosyal a trabaho, kas ti illegal a droga, panagtakaw, panagkidnap ken dadduma pay a krimen.

Kadagitoy a detatsment ket nasaknap ti panagkikil kadagiti babassit a minero, agtrosos ken dadduma pay a babassit a negosyo, kakumplot da dagiti grupo a paramilitar. Idia y NEMR, kakumplot da ti napepeklan a paramilitar kas ti grupo da Hasmen Acebedo, Marcos Bocales, Rico Maca ken Calpet Egua. Baybayadan met dagitoy dagiti dadakel a kapitalista ken apo't daga iti panagagaw ti daga para kadagiti komersyal a plantasyon ken minasan.

### Sentro ti rekrutment ti CAFGU

Dagiti detatsment ket agserserbi a sentro ti puersado a panagrekruta ti CAFGU. Saan nga ammo dagiti bumaryo, inaynayon dagiti soldado ti nagan dagiti residente iti listaan dagiti rumbeng nga "agpa-clear" iti militar. Agipatpataw ti AFP ti kota kadagiti opisyal ti barangay para kadagiti baro a rekrut a CAFGU ken puersado nga ipauneg iti panagsanay-militar. Agipatpa-



taw met laeng ti kota ti AFP kadagiti opisyal ti barangay. Dagiti saan nga agtungpal ket madausa.

Panamnamaan da dagiti rekrut a CAFGU ti alawans ngem kaadduan ket saan a maited wenna maited man ket dakkel ti kinissay dagiti opisyal. Adda dagiti gundaway a pagbalinen dagiti soldado nga "utang" dagiti sueldo ti CAFGU ken pabayadan da pay nga adaan 20% nga interes.

Dagiti tao ti CAFGU ket pagbalbalinen da nga adipen kadagiti detatsment. Maus-usar da kas appan ken kalasag kadagiti operasyon kombat.

Iti kabuklan, agserserbi kas *forward deployed force* dagiti detatsment kadagiti lugar nga atapen ti AFP a base ti BHB. Sentro dagitoy a detatsment saan laeng a para iti operasyon a kombat no di ket uray kadagiti *peace and development team* (PDT) nga operasyon.

### Didigra iti umili

Adayo iti kinapudno ti mensahe ti AFP a kiniddaw kano dagiti sibilyan ti panagitakder kadagiti detatsment kadagiti komunidad da. Iti aktwal, aktibo a lablabanan ti umili dagitoy. Sumagmamano ditoy ti kaso ti panangkondenar dagiti residente idiaiy Lianga, Surigao del Sur ken Lagonlong, Misamis Oriental. Puersado a nagbakwit dagiti residente ditoy kadagiti komunidad nga adda naitakder a detatsment tapno panawan ti panagabusos ken nakaro a militarisasyon iti lugar da.

Atiddog ti listaan dagiti panaglalsing iti karbengan-tao kadagiti komunidad nga addaan detatsment ti AFP ken CAFGU. Adu dagiti kaso ti iligal a panagarestar, panagbugbog, panagserrek kadagiti balay ti sibilyan ken pampapatay ti naidokumento kadagitoy a lugar. Masansan met ti panagipataw kadagiti restriksyon kas ti *curfew* ken dagiti makadadael a blokeyo iti makan ken komersyo a manglplapped iti tignay dagiti residente ken makaapektar iti pagbiagan da. AB

## Umuna a taripnong dagiti katutubo idiaiy Ilocos, naisayangkat

**I**diaiy Ilocos sur, nagtaripnong dagiti 60 a mangibagi kadagiti tribo a Bago, Isneg-Yapayao ken Tinggian manipud Ilocos Norte, Ilocos Sur ken La Union. Insayangkat da ti First Ilocos Indigenous Peoples Convergence and Consultation idi Agosto 9 idiaiy Cabugao, Ilocos Sur.

Iti taripnong, nangibingay ti kapadasan ken kasasaad ti nadumaduma a grupo ti minorya iti rehiyon. Napapanawen ti aktibidad gapu ta ti kangrunaan a target ti proyekto nga imprastruktura ni Duterte ti aneutral a daga da. Indauloan ti Ilocos Region Ecumenical Council ti nasao nga aktibidad.

Segun iti mensahe dagiti delegado, ti proyekto nga hydropower ken eco-turismo ti rehimen ket mangpakaro iti pannakadadael ken puersado a panagpapanaw ti korporasyon ti minas kadagiti aneutral a daga. Maibilang dagiti naidatag a tinungtong dagiti dimmar-ay ti saan a panangbigbig ti lokal a gobyerno iti mangibagi kadakuada, a kas idiaiy La Union.

Indatag met ti maysa a kameng ti tribo nga Isnag-Yapayao ti saan a panangbigbig ti lokal a gobyerno iti saan da nga iyaannugot nga ikkan ti pammalubos dagiti gangannaet a kumpanya ti enerhiya idiaiy Caunayan, Pagudpud idiaiy Ilocos Norte. Gapu ta napaay a makaala ti pammalubos ti nasao a kumpanya, nakikumplot daytoy iti National Commission for Indigenous Peoples a nangitakder ti maysa a bogus nga organisasyon tapno matuloy dagiti operasyon da.

Kinondenar met ni Nick Laden ti tribo a Bago ken lider ti Timpuyog ti Mannalon ti Karayan Buaya ti National Irrigation authority iti panangitakder daytoy ti dam iti laksiid ti kinaawan ti permiso manipud kadagiti residente.

Iti panagleppas ti taripnong,

pinirmaan dagiti dimmar-ay ti maysa a deklarasyon ti panagkaykaysa. Dinagsenan da ti panangipaidam ti rehimen nga US-Duterte kadagiti karbengan nga usaren ken padur-asen ti aneutral a daga da ken saan a panangtaming kadagiti kangrunaan a kasapulan da. Kinondenar da met ti pannakapaidam iti karbengan da a mangidaulo, mangtaming ken padur-asen ti kabaelan da iti ekonomya ken padur-asen ti kultura da.

### Aldaw dagiti Katutubo

Idi met Agosto 9, nagisayangkat ti koordinado a protesta dagiti sangay ti Kalipunan ng Katutubong Mamamayan ng Pilipinas iti nadumaduma a syudad ti Manila, Nueva Viscaya, Baguio, Pampanga, Iloilo, Surigao del Sur, Davao City ken Misamis Oriental kas pananglagip iti Sangalubongan nga Aldaw dagiti Katutubo.

Kadagitoy a protesta, kinondenar da ti sistematiko a panaglalsing ti rehimen nga US-Duterte kadagiti karbengan da. Iti listaan da, dumanonen iti 47 katutubo ti napapatay iti uneg ti rehimen. Nakaitala da met ti 24 nga insidente ti panagbomba a nagresulta iti puersado a panagbakwit ti 27,000 a katutubo iti intero a pagilian. Adda met 384 nga insidente ti panangraut kadagiti komunidad dagiti katutubo. Idiaiy Mindanao, 72 nga eskuelaan dagiti Lumad ti nairserra gapu iti tuloy-tuloy a militarisasyon ken pananglipit ti AFP kaniada. AB

### Protesta laban iti crackdown

KAS PANANGKONDENAR ITI politikal a panangikuspil ken atake ti rehimen a Duterte, nagprotesta dagiti progresibo nga organisasyon idiaiy Mendiola, Manila idi Agosto 16. Segun kadakuada, biniag manen ni Duterte ti mekanismo ti rehimen nga Arroyo iti panangikuspil ti karbengan-tao. Naigiddan ti panagtignay iti pananglagip iti umuna a tawen ti pampapatay ken ni Kian delos Santos iti uneg ti kawaw a gyera kontra-droga ti rehimen. AB